

ეროვნული კომისიის

დადგენილება №8
2014 წლის 10 აპრილი

ქ. თბილისი

„საქართველოს ენერგოსისტემის ელექტრულ ქსელებში ელექტროენერგიის ნორმატიული დანაკარგების დამტკიცების შესახებ“ საქართველოს ენერგეტიკის მარეგულირებელი ეროვნული კომისიის (სემეკ) 2006 წლის 11 მაისის №17 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტისა და „ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლის პირველი პუნქტის საფუძველზე, საქართველოს ენერგეტიკისა და წყალმომარაგების მარეგულირებელი ეროვნული კომისია ადგენს:

მუხლი 1

„საქართველოს ენერგოსისტემის ელექტრულ ქსელებში ელექტროენერგიის ნორმატიული დანაკარგების დამტკიცების შესახებ“ საქართველოს ენერგეტიკის მარეგულირებელი ეროვნული კომისიის 2006 წლის 11 მაისის №17 დადგენილების (საქართველოს საკანონმდებლო მაცნე №65, 15.06.2006, სარეგისტრაციო კოდი: 300.280.020.16.009.008.604) პირველ მუხლს დაემატოს შემდეგი რედაქციით 1¹ პუნქტი:

„1¹. შპს „ენერგოტრანსისათვის“ დამტკიცდეს ელექტროენერგიის ნორმატიული დანაკარგების (ქვესადგურების საკუთარი მოხმარება) შემდეგი სიდიდეები პროცენტებში:

ა) საქართველოს ენერგოსისტემის ელექტრულ ქსელებში ყველა ელექტროსადგურის მიერ წარმოებული (სალტებიდან გაშვება) და იმპორტირებული ელექტროენერგიის სრული გაშვებიდან:

- 500 კვ ძაბვის საფეხურისათვის – 0,23 %;
- 400 კვ ძაბვის საფეხურისათვის – 0,4 %.

შენიშვნა: ამ ქვეპუნქტის 400 კვ ძაბვის საფეხურისათვის დადგენილი 0,4 % ოდენობის დანაკარგი გამოიყენება მხოლოდ შპს „ენერგოტრანსის“ 400 კვ-იანი ქსელით (ეგზ „მესხეთი“ + ახალციხის ქვესადგური მუდმივი დენის ჩანართით) ელექტროენერგიის იმპორტის განხორციელებისას.

ბ) ელექტროენერგიის ექსპორტის ან/და ტრანზიტის განხორციელებისას, შპს „ენერგოტრანსის“ 400 კვ ძაბვის ქსელში სრული მიღებიდან:

- 400 კვ ძაბვის საფეხურისათვის – 3,55 %.”

მუხლი 2



დადგენილება ძალაშია გამოქვეყნებისთანავე.

საქართველოს ენერგეტიკისა და
წყალმომარაგების მარეგულირებელი
ეროვნული კომისიის თავმჯდომარე
კომისიის წევრი
კომისიის წევრი

ირინა მილორავა

გოჩა შონია
სერგო მესხი

